

## Inatsisissatut siunnersuummut nassuiaatit

**Nalinginnaasumik nassuiaatit**1. Aallaqqaasiut:

Kalaallit Nunaanni inatsisiliortutut sulinerup pitsaassusiata Inatsisartuni ilaasortat ataasiakkaat kiisalu partiit ilaasortaataa, taakkulu partiimi allattoqarfiisa sulinerisa pitsaassusianut attuumassuteqarluinnartuuvoq. Naalackersuinikkut sulinerup aningaasatigit tapiissuteqartarneq pillugu Inatsisartut inatsisaata partiini, kattusseqatigiinni kisimiillutillu qinigassangortittut allattoqarfiini sulinerup aningaasaqarnikkut tunngavia qulakkeeriffigaa. Sulineq tamanna Inatsisartuni ilaasortat aalajangiinissaannut piareersarnerusoq ataqatigiissaarinerusorlu partiini ataasiakkaani partiillu ilaasortaataanni il.il. tamat oqartussaaqataaneranni piuumassuseqarnerup pilieriartornerani pinngitsoorneqarsinnaanngilaq.

2. Siunnersuummi immikkoortut pingaarnert:

Siunnersuutip anguniagaa pingaarneq tassa Inatsisartuni ilaasortat ulluinnarni sulinerisa partiinit ukioq naallugu tapersorneqarneqarnissaanut periarfissat pitsaanerulersinneqarnissaat. Partiini ataasiakkaani partiillu ilaasortaataanni il.il. naalackersuinikkut piuumassuseqarnerup pilieriartornera tamaalilluni patajaallisarneqassaaq, Inatsisartunullu ilaasortat, tassalu partiini siunnersortitut atorfilinnit namminerisaminnit, annertunerusumik sullinneqarsinnaalissallutik. Partiinut naalackersuinikkut akuleruteqqunagit Inatsisartut atorfilittaat pisussaaffiligaammata tamanna Inatsisartunut ilaasortat sulinerannut oqalisaataaginnarani naalackersuinikkut allanut ingerlateqqitassaangitsumik naalackersuinerullu tunngassuteqarnerusumik siunnersorneqarnermik aammattaaq ammaassisussaavoq. Partiit allatseqarfiisa naalackersuinerup tunngassuteqarnerusumik sullissinnaalernissaat taamaalilluni Inatsisartuni partiinik naalackersuinikkut erseqqinnerusumik malunnartitsilersussaavoq kiisalu partiit naalackersuinikkut a-nguniagaasa piviusunngortinniarlugit suliarinerat anguniagaqarfiunerusunngortissallugu. Partiittaaq allattoqarfiisa sullissilluarnersinnaanerit partiit innuttanut tunngatillugu sulinerata pitsaanerulersinnaanik periarfissiisussaavoq, ilanngullugulu qinikkat qinersisartullu akornanni ingerlaavartumik attaveqatigiinneq annertusassallugu.

Partiinut Inatsisartuni ilaasortaataqartunut partiinut tapiissutaareersut ilaasortamut ataatsimut maannakkut 100.000 kr.-iniit 125.000 kr.-nut qaffanneqarnissaat siunnersuutigineqarpoq. Taamatuttaaq partiinut, kattusseqatigiinnut

kisimiillutilluunniit qinigassanngortillutik Inatsisartuni ilaasortaatalinnut ilaasortaasunulluunniit ukiumut 300.000 kr.-inik aningaasartalinnik tunngaviusumik tapiissutunik atulersitsisoqassasoq siunnersuutigineqarpoq. Siunissami Inatsisartunut ilaasortaataqatigiit siunnersortimik ataatsimik piffissaq tamakkerlugu sulisuusumik atorfinitsitsinissamut periarfissaqarnissaat minnerunngitsumik tunngaviusumik tapiissutit ani-ngaasartaat taakku partiinut il.il. mikinerpaanut pingaaruteqartussapput.

Inatsisartunut ilaasortat ataasiakkaat paasisassarsiorlutik angalanerirut atugassatut aningaasaliissutit Inatsisartuni ilaasortamut ataatsimut inatsisikkut piginnaatitaaffittut atorunnaartutut pissuseqalernissaa pillugu tamatuma saniatigut aningaasarsiaqarnermut inatsit allanngortinneqassasoq siunnersuutigineqarpoq. Partiit ilaasortaataaasa aningaasanik taakkunanga siunissami qinnuteqaateqarsinnaanerit ammaanqassaaq, taakkulu taamaalillutik ilaasortat angalanissaasa piareersarneqarnerini ataqatigiissaarneqarnerinilu peqataatinneqarnerusinnaalissallutik.

Inatsisartuni ilaasortat ataasiakkaat paasisassarsiorlutik angalanissaannut aningaasat atugassanngortitat taamatut allannguinnikkut ajorseriaateqarnissaat siunertarineqanngimmat erseqqissarneqassaaq. Akerlianik Inatsisartunut ilaasortat ingerlaavartumik paasisassarsiornerisa qinersisartunullu attaveqarnerisa pitsannqorsarneqarnissaa siunertaralugu angalanerirut atugassiissutigineqartartut taakku qaffaaviginissaannut periarfissaqartoqalernissaa siunnersuuteqartut kissaatigaat. Tamatumunnga tunngatillugu Inatsisartut sulinerannut atatillugu Aningaasanut Inatsisikkut Inatsisartut missingersuusiorteranni aningaasanik atugassiinissaq aalaja-ngerneqartassaaq.

### 3. Namminersornerullutik Oqartussanut aningaasaqarnikkut allaffissornikullu kingunerisassat:

Partiinut tapiissuteqartarnermik aaqqissuussinerup allannguutissaatut siunnersuutigineqartoq 2007-mi aningaasanut inatsiseqarfimmit ukiumut aningaasaliiffiusumut kr. 2.275.000-inik aningaasartuuteqarnerussutaalersussaavoq.

Ukiup aningaasaliiffiusup 2006-ip sinnerani katillugit aningaasartuuteqarnerussutissat kr. x.xxx.xxx-iussasut naatsorsuutigineqarpoq. Inatsisartut missingersuutaattut akuersissutigineqareersuni nikisiterinikkut aningaasartuut matussuserneqassasoq naatsorsuutigineqarpoq.

Inatsisartuni ilaasortat ataasiakkaarlutik paasisassarsiorlutik angalanerirut inatsisikkut piginnaatitaanerisa atorunnaarsinneqarnissaa landskarsimut sunnuteqartussatut naatsorsuutigineqanngilaq, siunertamut tassunga Inatsisartut maannamutut aningaasanik ukiumut atugassiisarumaartut naatsorsuutigineqarmat. Inatsisartulli ukiumoortumik missingersuusiorterinut atatillugu aningaasat qaffanneqartarnissaat annikillineqartarnissaalluunniit siunissami periarfissaasussaavoq.

4. Inuussutissarsiuteqartunut aningaasaqarnikkut allaffissornikkullu kingunerisassat:

Inuussutissarsiortunut siunnersuut kinguneqaateqartussaangilaq.

5. Avatangiisinut pinngortitamullu tunngasumik kingunerisassat:

Avatangiisinut pinngortitamullu siunnersuut kinguneqaateqartussaangilaq.

6. Innuttaasunut allaffissornikkut kingunerisassat:

Innuttanut siunnersuut kinguneqaateqartussaangilaq.

7. Kingunerisassat allat pingaaruteqartut:

Pingaarutilinnik allanik siunnersuut kinguneqaateqartussaangilaq.

8. Naalagaaffeqatigiinnermut namminersulernissamullu tunngasut:

Naalagaaffeqatigiinnermut namminersulernissamullu siunnersuut kinguneqaateqartussaangilaq.

9. Oqartussaasut kattuffiillu tusarniaavigineqarnerat:

Innuttanut inuussutissarsiortunulluunniit siunnersuut kinguneqaateqartussaangimmat tusarniaassutitut nassiunneqarsimangilaq.

**Siunnersuummi aalajangersakkanut ataasiakkaanut nassuiaatit**

*§ 1-imut*

Nr. 1-imut.

Partiinut kattusseqatigiinnullu kiisalu kisimiillutik qinigassanngortittunut Inatsisartuni ilaasortaataqartunut ilaasortanulluunniit tunniunneqartussanik naalakkersuinikkut sulinermut ukiumoortumik tapiissutinik, saaffiginninnikkut tunniussisoqartassaaq. Partiimut, kattusseqatigiinnut kiisalu kisimiilluni qinigassanngortittumut ataatsimut 300.000 kr.-inik tapiissutit tunngaviusumik aningaasartaqarput. Taakku saniatigut ilaasortamut ataatsimut ukiumut ani-ngaasat 125.000 kr., partiimut kattusseqatigiinnulluunniit imaluunniit kisimiilluni qinigassanngortittumut ataatsimut atugassanngortitassat ilaassapput.

Ukiumi qinnuteqaateqarfiusumi ulloq 1. januarimi, inatsimmi atuuttut pineqartumi § 5, imm. 2 naapertorlugu ilaasortat amerlassusiini allanngornerit kingusinnerusukkut pisut ukiumut tulliuttumut aatsaat sunniteqartussamik, ilaasortat agguataarsimameri tunngavigalugit ilaasortat amerlassusiat naatsorsorneqartassaaq.

Nr. 2-mut.

Inatsisartuni ilaasortanut partiimit kattusseqatigiinnilluunniit anisunut aalajangersagaq naalackersuinikkut sulinermit tapiissutitut attuumassuteqarpoq. Ilaasortat taakku ilaasortanut tapiissutit aningaasartaasa angeqataannik, partiinullit tunngaviumik aningaasartat ilanngunnagit, pisassaqartinneqassapput. Inatsisartunut ilaasortat piffissap qinigaaffiup nalaani partiiminnit il.il. tunuassagaluarpata tunngaviumik tapiissutinik taamaalilluni tunniusseqqittoqassanngilaq. Taamaalilluni attaviitsoq piffissap qinigaaffiup sinnerani naalackersuinikkut sulinermit tapiissutinik pissarsinissamut ilaasortamut nammineerluni iliuseqarnermigut qinigaasumut, taamaalillunilu § 2, imm. 2 naapertorlugu tunngaviumik tapiissutisumut, assersuukkaanni pitsaanginnerusumik periarfissaqartussaavoq. Ilaasortalli naalackersuinikkulluunniit agguataarnerit attaviitsunngornermikkut aningaasanik saniatigut pissarsinissamik ussarnartorsiorsinnaanerit maleruagasakkut pinngitsoortinniarneqassasoq siunertaavoq.

#### *§ 2-mut*

Nr. 1-imut.

Inatsisartunut ilaasortat ataasiakkaat siunissami paasisassarsiorluni angalermut atugassanik aningaasanik inummut killilikkanik aalajangersimasunik pissarsinissamut inatsisikkut piginnaatitaaneq § 3, imm. 4-miit 7-imut aalajangersakkakut maannamut maleruagassat atorunnaarsissavaat. Angalanermi aningaasanik taamaattunik partiit ilaasortaataasa, ilaasortat angalasarnerisa piareersarneqarneranni ataqatigiissaarneqarnerinilu annertunerusumik akuusinnaalersillugit, qinnuteqaateqarnissamut periarfissaat ammaattussaavai. Taamaaliornikkutaaq oqalutsit partiilluunniit siunnersortaasa angalanermi peqataasinnaanerannut attuumassutilimmik aningaasartuutitut Siulittaasoqarfiup erseqqinnerusumik aalajangiineratigut angalanermut aningaasaliissutit atorneqarsinnaalissapput.

Aningaasaliissutit aqutsivigineqarnerannut, aammalu angalanermut siumoorutininik tunniussineq kiisalu angalanerup naatsorsuusiorderanut atugassatut paasisutissiinnissamik pisussaataitaaneq ilanngullugu Inatsisartut Siulittaasoqarfiat maannamutut najoqqutassiisaaq. Tamanna § 3, imm. 6-imi erseqqissumik takuneqarsinnaavoq, siunissamili inatsimmik tunngavilimmik aalajangigaanngikkaluartumik ajornarunnaassalluni.

Aningaasat killilikkat inummut naatsorsuussat inatsisikkut piginnaatitaaffiujunnaaraluartut aningaasaliussat suliamut partiillu naalackersuinikkut anguniagaannut sunniuteqanngitsumik piumasaqaatit malillugit Inatsisartut Siulittaasoqarfiata aningaasaliissutigissallugit aalajangiisassasut naatsorsuutigineqarpoq.

Pisuni suliamut atatillugu tunngaviit pisariaqartippassuk inummut paasisassarsiorluni anga-lanissat Inatsisartut Siulittaasoqarfiata akueriumanngissinnaavai. Ataatsimiinnernut kinguartinneqarsinnaanngitsunut angalanissaq pineqarsimanngippat tamanna Inatsisartunut qinersinissamik nalunaaruteqarnerup qinersinerullu akuersissutigineqarnerata akornanni piffissamut ingammik atuuppoq, piffissamimi tassani Inatsisartut naalackersuinikkut nalinginnaasumik sulinerat unitsinneqartarmat. Maleruagassaq taanna maannamut § 3, imm. 7-imi erseqqissumik aalajangersagaavoq, siunissamili aningaasaliissutip siunertaa malittussaallugu.

### *§ 3-mut*

Piffissami 1. junimiit 31. december 2006-imut qaammatinik arfineq-marlunnik sivissussulimmi maleruagassat nutaat malillugit naalackersuinikkut sulinermut tapiissutinik qinnuteqartoqarsinnaanngorlugu Inatsisartut inatsisaat 1.- juni 2006 atuutilissasoq siunnersuutigineqarpoq. Tunngaviusumik aningaasartat 300.000 kr.- isut 7/12-iiliinik kiisalu 25.000 kr.-it 7/12-iinik ilallugit ilaasortamut ataatsimut tapiissutitut tunniunneqareersut qaffanneqaqqullugit partiit il.il. qinnutigisinnaavaat (maannamut ilaasortamik aallaaveqarluni 100.000 kr.-inik tapiissutaareersut aammalu ilaasortamut tapiissutit nutaat 125.000 kr.-it akornanni nikingassutaattut aningaasat annertussuseqarput). Ulloq 1. januar 2006 aallartittumik ilaasortat agguataarnerat tunngavigalugu ilaasortat amerlasusiat naatsorsorneqassaaq, tak. inatsimmi pineqartumi § 5, imm. 2-mi tunngaviutinneqartoq.

Ukiup ingerlanerani siusinnerusukkat naalackersuinikkut sulinermut tapiissutinik akuersissuteqartoqarnera apeqqutaatinnagu aningaasat qaffaataat qinnutigineqarsinnaapput. Ukiup ingerlanerani siusinnerusukkat naalackersuinikkut sulinermut tapiissutinik akuersissuteqartoqarsimanngippat tapiissutit qaffaataannik taamaallaat qinnuteqartoqarsinnaavoq, tapiissutaqqaartunimmi qinnuteqarnissamut piffissaliussaq ulloq 1. marts 2006 qaangiussimammat.

Atuutilersitsinermit aalajangersakkap oqaaseqatigiivisa aappaani piffissaq qaangernagu Inatsisartut Siulittaasoqarfiannut tapiissutit qaffaataanik qinnuteqaammik tunniussinissamut ulloq 1. august 2006 killiliunneqarpoq. Taassuma assigaa inatsisip atuutilerneraniit qaammatinik marlunnik piffissaliineq, partiillu naalackersuinikkut sulinermut tapiissutinik inatsit naapertorlugu ukiup aallartinneraniit qinnuteqarnissamut piffissaliussamut ataqatigiissinneqassaaq (tak. inatsimmi pineqartumi § 2, imm. 4).

Inatsisartuni ilaasortat ataasiakkaarlutik paasisassarsiorlutik angalasarnerinut aningaasanut atugassanut tunngatillugu maannamut inatsisitigut piginnaatitaaneq

atorunnaassaaq ulloq 31. maj 2006. Ulloq taanna qaangerpat Inatsisartuni ilaasortat ataasiakkaat 2006-ip sinnerani paasisassarsiorlutik angalanissaannut aningaasat atorneqanngitsut Inatsisartut Siulittaasoqarfiata akuersissutigisinnaavai. Ulloq killiliussiaq qaangiutinnagu Inatsisartuni ilaasortap angalanermut aningaasat atugai ukiup pineqartup iluani aningaasanut killiliussatut akuersissutigineqartut ilaasortap partiilluunniit il.il. pineqartup atorsimanerai siulittaasoqarfiup naliligassaanut ilaasussaassapput.